

證  
治  
目  
田

六科準繩



證治準繩卷五目錄

諸風門

癘風

破傷風

瘧

瘧癘

顫振

孛

眩暈

神志門

癲狂癩總論

癩

狂

癩

煩躁總論

虛煩

躁

譫妄尸注

循衣摸牀

喜笑不休

怒

善太息



悲

驚

恐

雜門

汗總論

盜汗

不得臥

怠惰嗜臥

不能食

饑不能食惡食

消痺

口燥咽乾

嗜雜

驚悸恐總論

悸

健忘

自汗

頭汗無汗

手足汗

臥總論

多臥

身重

痞

黃疸

食勞瘕黃目黃

欠嚏



南京中醫藥大學圖書館版權所有

證治準繩卷五

金壇王肯堂輯 瘦樵程永培校

癘風

素問脈要精微論曰脈風成爲癘風論曰風寒客於脈而不去名曰癘風癘風者榮衛熱肺其氣不清故使鼻柱壞而色敗皮膚瘍潰又謂風氣與太陽俱入行諸脈俞散諸分肉之間與衛氣相干其道不利故使肌肉臃腫而有瘍衛氣有所凝而不行故其肉有不仁也長刺節論曰大風骨節重鬚眉墮名曰大風刺肌肉爲故汗出百日王註以泄衛氣之怫熱刺骨髓汗出百日王註以泄榮氣之怫熱二百日鬚眉生而止靈樞曰癘風者數刺其腫上已刺以銳針針其處按出其惡氣腫盡乃止常食方食毋食他食今觀經之論治分榮衛者如此若古方雖多但混瀉其風熱於榮衛又無先後之分至東垣丹溪始分之活法機要云先樺皮散少至多服五七日灸承漿穴七壯灸瘡愈再灸再愈三灸之後服二聖散泄熱祛血之風邪戒房室三年病愈此先治其衛後治其榮也試効方治段庫使用補氣瀉榮湯此治榮多於治衛也丹溪云須分在上在下在上者以醉僂散取臭惡血於齒縫中出在下者以通天再造散取惡物虻蟲於穀道中出所出雖有上下道路之異然皆不外於陽明一經而已看其瘡瘡上先見在上體多者病在



上也下先見在下體多者病在下也上下同得者病在上復在下也陽明主胃與大腸無物不受此風之入人也氣受之在上多血受之在下多血氣俱受者上下皆多自非醫者神手病者鐵心罕有免者夫氣爲陽爲衛血爲陰爲榮身半以上陽先受之身半以下陰先受之是故再造散治其病在陰者用皂角刺出風毒於榮血中肝主血惡血留止其屬肝也蟲亦生於厥陰風木所化必用是治其藏氣殺蟲爲主以大黃引入腸胃榮血之分利出瘀惡蟲物醉僂散治其病在陽者用鼠粘子出風毒徧身惡瘡胡麻逐風補肺潤皮膚痰藜主惡血身體風痒通鼻氣防風治諸風栝萁根治瘀血消熱肘腫枸杞消風熱散瘡毒蔓荊子主賊風苦參治熱毒風皮肌煩躁生瘡赤癩眉脫八味藥治功固至矣然必銀粉爲使銀粉乃是下膈通大腸之要劑所以用其驅諸藥入陽明經開其風熱怫鬱痞隔逐出惡風臭穢之毒殺所生之蟲循經上行至牙齒軟薄之分而出其臭毒之涎水服此藥若有傷於齒則以黃連末揩之或先固濟以解銀粉之毒銀粉在醉僂散有奪旗斬將之功遂成此方之妙用非他方可企及故丹溪取二方分用之如破敵之先鋒至於餘邪未除者但調和榮衛藥中少加驅逐劑耳

薛新甫曰大抵此證多由勞傷氣血腠理不密或醉後房勞沐浴或登山涉水外邪所乘衛氣相搏濕熱相火血隨火化而致故淮陽閩廣間多患之眉毛先落者毒在肺面發紫泡者毒在肝脚底先痛或穿者

毒在腎偏身如癱者毒在脾目先損者毒在心此五臟受病之重者也一曰皮死麻木不仁二曰肉死針刺不痛三曰血死爛潰四曰筋死指脫五曰骨死鼻柱壞此五臟受傷之不可治也若聲啞目盲尤爲難治治當辨本證兼證變證類證陰陽虛實而斟酌焉若妄投燥熱之劑膿水淋漓則肝血愈燥風熱愈熾腎水愈枯相火愈旺反成壞證矣

### 本證治法

癘瘍所患非止一臟然其氣血無有弗傷兼證無有弗雜況積歲而發現於外須分經絡之上下病勢之虛實不可槩施攻毒之藥當先助胃壯氣使根本堅固而後治其瘡可也 癘瘍當知有變

有類之不同而治法有汗有下有砭刺攻補之不一蓋兼證當審輕重變證當察先後類證當詳眞僞而汗下砭刺攻補之法又當量其人之虛實究其病之源委而施治焉蓋虛者形氣虛也實者病氣實而形氣則虛也 癘瘍砭刺之法子和張先生謂一汗抵千針蓋以砭血不如發汗之周徧也然發汗卽出血出血卽發汗二者一律若惡血凝滯在肌表經絡者宜刺宜汗取委中出血則效若惡毒永結於臟非蕩滌其內則不能瘥若毒在外者非砭刺偏身患處及兩臂腿腕兩手指縫各出血其毒必不能散若表裏俱受毒者非外砭內泄其毒決不能退若上體患多宜用醉僂散取其內蓄惡血於齒縫中出及刺手指縫并臂腕以去肌表毒血下體患多宜用再造散令惡血陳蟲於穀道中出仍針足指縫并腿腕隔一

二日更刺之以血赤爲度如有寒熱頭疼等證當大補血氣 癘瘍服輕粉之劑若腹痛去後兼有濃穢之物不可用藥止之若口舌腫痛穢水時流作渴發熱喜冷此爲上焦熱毒宜用瀉黃散若寒熱往來宜用小柴胡湯加知母若口齒縫出血發熱而大便秘結此爲熱毒內淫宜用黃連解毒湯若大便調和用濟生犀角地黃湯若穢水雖盡口舌不愈或發熱作渴而不飲冷此爲虛熱也宜用七味白朮散 癘瘍手足或腿臂或各指拳攣者由陰火熾盛虧損氣血當用加味逍遙散加生地黃及換肌散兼服 癘瘍生蟲者五方風邪翕合相火制金木盛所化內食五藏而證見於外也宜用升麻湯送瀉青丸或樺皮散以清肺肝之邪外灸承漿以疏陽明任脈則風熱息而蟲不生矣肝經虛熱者佐以加味逍遙散六味地黃丸

兼證治法

〔頭目眩暈〕若右寸關脈浮而無力脾肺氣虛也用補中益氣湯若左關尺脈數而無力肝

腎氣虛也用六味地黃丸若右寸尺脈浮大或微細陽氣虛也用八味地黃丸血虛者四物湯加參苓白朮氣虛者四君子湯加當歸黃耆肝經實熱者柴胡清肝散肝經虛熱者六味地黃丸脾氣虛弱者補中益氣湯脾虛有痰者半夏白朮天麻湯衄血過多者芎歸湯發熱惡寒者聖愈湯大凡發熱則真氣傷矣不可用苦寒藥恐復傷脾胃也 〔口喎目斜〕若手足牽搐或肩稜痒動屬肝經血虛風熱用加味逍遙

散六味地黃丸以生肝血滋腎水若寒熱往來或耳聾脇痛屬肝木熾盛先用小柴胡合四物湯以清肝  
火生肝血若筋攣骨痛或不能動履用六味地黃丸補中益氣湯以滋化源若因服燥藥而致者用四物  
湯加生甘草金銀花以解熱毒益陰血凡此俱屬肝經血燥所致須用六味地黃丸補中益氣湯為主若  
因怒氣房勞而甚者用六味地黃丸十全大補湯為主若因勞傷形體而甚者用補中益氣湯十全大補  
湯為主〔夏秋濕熱行令〕若飲食不甘頭目眩暈遍身酸軟或兩腿麻木口渴自汗氣促身熱小便黃  
數大便稀澹濕熱傷元氣也用清燥湯如在夏令用清暑益氣湯若自汗盜汗氣高而喘身熱脈大元氣  
內傷也用補中益氣湯若嘔吐少食肚腹痞悶大便不實脾胃受傷也用六君子湯若胸腹不利飲食少  
思吐痰不止脾胃虛痞也用四君子湯若形氣倦怠肢體麻木飲食少思熱傷元氣也用人參益氣湯  
〔熱渴便濁〕若夜安晝熱者熱在氣分也用清心蓮子飲晝安夜熱者熱在血分也用四物二連湯俱佐  
以六味地黃丸若寒熱往來者肝經血虛也用加味逍遙散六味地黃丸〔小便不利〕若因服燥藥而  
致者用四物湯加炒黑黃蘗知母生甘草以滋陰血若頻數而色黃者用四物湯加參朮麥門五味子以  
生氣血若短而色黃者用補中益氣湯加山藥麥門五味以滋化源〔大便不通〕若血虛內熱而澀滯  
者用四物湯加麥門五味子以生血潤燥若因燥熱之藥而患者用四物湯加連翹生甘草以生血清熱



若服尅伐之藥而致者用四君子湯加芎歸以助氣生氣若作渴飲冷者熱淫於內也用竹葉石膏湯以清胃火若作渴飲湯者腸胃虛熱也用竹葉黃耆湯以補氣生津若內熱作渴面赤飲湯者用四物湯送潤腸丸以涼血潤燥若腸胃脹滿燥在直腸而不通者用猪膽汁導之腸胃氣虛血涸而不通者用十全大補湯若肝膽邪盛脾土受侮而不能輸化者用小柴胡湯加山梔郁李仁枳殼治之  
〔怔忡無寐或兼衄血便血〕若內熱晡熱作渴飲湯肢體倦怠此脾血虛而火動也用四君子加芎歸若思慮傷脾動火而致用歸脾湯加山梔若發熱晡熱用八珍湯加酸棗仁茯神遠志若因心血虛損用柏子仁散大抵此證皆心脾血少所致但調補胃氣則痰清而神自安不必專於清熱治痰  
〔發熱惡寒〕若肢體倦怠煩躁作渴氣高而喘頭痛自汗者此內傷氣血也用補中益氣湯加五味麥門倦怠食少大便不調小便頻數灑淅惡寒者此脾肺氣虛也用升陽益胃湯煩躁體倦作渴少食或食而不化者此脾氣虛熱也用六君子湯  
〔發熱〕在午前脈數而有力者氣分熱也用清心蓮子飲脈數而無力者陽氣虛也用補中益氣湯午後脈數而有力者血分熱也用四物湯加牡丹皮脈數而無力者陰血虛也用四物湯加參朮熱從兩脇起者肝虛也用四物湯加參朮黃耆從臍下起者腎虛也用四物湯加參朮黃蘗知母五味麥門肉桂或六味丸其熱晝見夜伏夜見晝止或去來無定時或起作無定處或從脚起者此無根虛火也

須用加減八味丸及十全大補湯加麥門五味更以附子末唾津調搽湧泉穴若形體惡寒喜熱飲食者陽氣虛寒也急用八味丸〔口乾〕若惡冷飲食者胃氣虛而不能生津液也用七味白朮散若喜冷飲食者胃火盛而消燬津液也須用竹葉石膏湯夜間發熱口渴者腎水弱而不能上潤也當用六味地黃丸若因汗下之後而有前患胃氣虛也宜用八珍湯〔作渴〕若煩躁飲冷者屬上焦實熱用涼膈散兼大便秘結者屬下焦實熱用清涼飲若用尅伐之藥而渴者氣血虛也急用八珍湯六味丸〔耳聾耳鳴〕若左寸關脈弦數者心肝二經虛熱也用四物湯加山梔柴胡生陰血右寸關脈浮大者脾肺二經虛熱也用補中益氣湯加山梔桔梗培陽氣若因怒便作用小柴胡湯加山梔芎歸清肝涼血若午前甚用小柴胡湯加參耆歸朮補氣清肝午後甚用四物湯加酒炒黑黃蘗知母五味補陰降火如兩足心熱屬腎虛用六味丸以壯水之主兩足冷屬陽虛用八味丸以益火之源〔項強口噤腰背反張者〕氣血虛而發瘧也仲景云足太陽病發汗太多則瘧風病下之則瘧復發汗則加拘急瘡家發汗則瘧蓋風能散氣故有汗而不惡寒曰柔瘧寒能澀血故無汗而惡寒曰剛瘧皆因內虛復汗亡津血筋無所養而然悉屬虛象非風證也當大補氣血為主故產婦潰瘍勞傷氣血濕熱相火誤服尅伐之劑者多患之其義可見〔婦女經閉〕若因鬱火傷脾以歸脾湯加山梔丹皮氣血俱虛以八珍湯加山梔丹皮若因服燥

藥傷血以四物湯加生甘草若經候過期而來者氣血虛也八珍湯倍用參朮先期而來者血虛熱也四物湯倍加參朮牡丹皮將來而作痛者氣虛血滯也四物湯加茯苓白朮香附色紫而成塊者血熱也四物湯加山梔丹皮作痛而色淡者血氣虛也用八珍湯其血崩之證肝火不能藏血者用加味逍遙散脾虛不能統血者用補中益氣湯凡此皆六淫七情虧損元氣所致當審其因而調補胃氣爲善變證治法

〔身起疙瘡搔破膿水淋漓〕若寒熱往來者肝經氣血虛而有火也用八珍散加丹皮柴胡寒熱內熱者血氣弱而虛熱也用八珍散倍用參朮若惡寒形寒者陽氣虛寒也用十全大補湯若肌膚搔如帛隔者氣血不能外榮也用人參養榮湯若面部搔之麻痒者氣血不能上榮也用補中益氣湯若痿軟筋攣者血氣不能滋養也用補中益氣湯佐以六味地黃丸 〔口舌生瘡或咽喉作痛〕若飲食喜冷大便祕結者實熱也用四順清涼飲肌熱惡熱煩渴引飲者血虛也用當歸補血湯飲食惡寒大便不實者虛熱也用十全大補湯熱從下或從足起者腎虛熱也用加減八味丸若飲食難化四肢逆冷者命門火衰也用八味地黃丸 〔牙齒作痛〕或牙齦潰爛若喜寒惡熱屬胃火加味清胃散爲主惡寒喜熱屬胃虛補中益氣湯爲主 〔自汗〕屬氣虛用補中益氣湯送六味地黃丸盜汗屬血虛用當歸六黃湯內芩連黃蘗炒黑用

送六味地黃丸若因勞心而致以歸脾湯倍用茯神酸棗仁 〔唾痰或作喘〕若右寸脈浮緩者肺氣虛

也用六君子湯加桔梗右寸脈洪滑者肺經有熱也用瀉白散右寸關脈浮緩遲弱者脾肺氣虛也用六君子湯加桔梗黃耆右寸關脈洪滑遲緩者脾熱傳肺也用瀉白瀉黃二散右尺脈微弱者命門火衰而脾肺虛也用人參理中丸如不應八味地黃丸右寸脈洪數者心火剋肺金也用人參平肺散如不應六味地黃丸左寸關脈洪弦數者心肝二經有熱也用柴胡清肝散如不應佐以牛黃清心丸清其風熱仍用六味地黃丸以鎮陽光左尺脈數而無力者腎虛而水泛上也用六味地黃丸加五味子以滋陰如脈微細或手足冷或兼喘促急用八味地黃丸以補陽〔舌赤裂〕或生芒刺兼作渴引飲或小便頻數不時發熱或熱無定處或足心熱起者乃腎水乾涸心火亢盛用加減八味丸主之佐以補中益氣湯若誤用寒涼之劑必變虛寒而死〔口舌生瘡作渴不止不時發熱〕或晝熱夜止或夜熱晝靜小便頻數其熱或從足心或從兩脇或從小腹中起外熱而無定處者此是三陰虧損之證也用加減八味丸為主佐以十全大補湯若誤用寒涼治火之劑復傷脾胃胸腹虛痞飲食少思或大便不實小便不利胸腹膨脹肢體患腫或手足俱冷者此是三陰虧損之虛寒證也急用加減金匱腎氣丸亦有復生者〔肚腹腫脹〕若朝寬暮急屬陰虛暮寬朝急屬陽虛朝暮皆急陰陽俱虛也陽虛者朝用六君子湯夕用加減腎氣丸陰虛者朝用四物湯加參朮夕用加減腎氣丸真陽虛者朝用八味地黃丸夕用補中益氣湯

若肚腹痞滿肢體腫脹手足並冷飲食難化或大便泄瀉口吸氣冷者此真陽衰敗脾肺腎虛寒不能司攝而水泛行也急用加減腎氣丸否則不救（發熱惡寒）若寸脈微名陽氣不足陰氣上入陽中則惡寒也用補中益氣湯尺部脈弱名陰氣不足陽氣下陷於陰中則發熱也用六味地黃丸若暑熱令而肢體倦怠此濕熱所乘屬形氣虛而病氣實也當專補陽氣用補中益氣湯若發熱大渴引飲目赤面紅此血虛發熱屬形病俱虛也當專補陰血用當歸補血湯（發熱作渴）若右寸關脈浮大而無力者脾肺之氣虛也用補中益氣湯數而有力者脾肺之氣熱也用竹葉石膏湯寸脈微數而無力者脾肺虛熱也用竹葉黃耆湯尺脈微細或微數而無力者命門火衰也用八味地黃丸左寸關脈數而有力者心肝之氣熱也用柴胡梔子散數而無力者心肝之氣虛也用六味地黃丸尺脈數而無力者腎經虛火也用加減八味丸大凡瘡愈後口渴或先渴而患瘡或口舌生瘡或咽喉腫痛或唇裂舌黃目赤痰涎上湧者皆敗證也非此丸不能救（眼目）昏弱或內障黑花屬血虛神勞用滋陰腎氣丸若視物無力或見非常之狀屬陰精虛弱用滋陰地黃丸若視物無力或視物皆大屬陽盛陰虛用六味地黃丸若目緊體倦或肌膚麻木屬脾肺氣虛用神效黃耆湯若至夜目暗燈下亦暗屬陽虛下陷用決明夜靈散若眼暗體倦內障耳鳴屬脾胃氣虛用益智聰明湯蓋五藏六腑之精氣皆稟受於脾土上貫於目脾為諸陰之首目

爲血脈之宗當補脾土爲善（鼻衄吐血）若左寸關脈數而無力血虛也四物加參朮浮而無力氣虛也補中益氣湯尺脈數或無力腎虛也六味地黃丸右寸關脈數而有力者肺胃熱也犀角地黃湯數而無力者肺胃虛熱也先用濟生犀角地黃湯後用四物湯加參苓白朮尺脈數無力陰虛也用六味地黃丸若面黃目澀眇多手麻者脾肺虛也用黃耆芍藥湯（飲食少思）若因胃氣虛而不能食用四君子湯若因脾氣虛而不能化用六君子湯大便不實或嘔吐者脾氣虛寒也用六君子湯加乾薑木香若作嘔口渴或惡冷飲食者胃氣虛熱也用五味異功散喜冷飲食者胃氣實熱也用瀉黃散（帶下）因經行產後外邪入胞傳於五臟而致之其色青者屬於肝用加味逍遙散加防風濕熱壅滯小便赤澀用前散加炒黑龍膽草肝血不足或燥熱風熱用六味丸逍遙散色赤者屬於心用小柴胡湯加黃連山梔當歸思慮過傷者用妙香散六味丸色白者屬於肺用六味丸補中益氣湯加山梔色黃者屬於脾用六味丸六君子湯加山梔柴胡不應用歸脾湯色黑者屬於腎用六味丸氣血俱虛用八珍湯陽氣下陷用補中益氣湯濕痰下注前湯加茯苓半夏蒼朮黃蘗氣虛痰飲四七湯送六味丸若病久元氣下陷或剋伐所傷但壯脾胃升陽氣爲善若拘於人之肥瘦而用燥濕瀉火之藥反傷脾胃爲患不淺（二便下血）若右關脈浮數氣虛而熱也用四君子加升麻當歸尺脈浮大或微弱元氣下陷也用補中益氣湯左關

脈洪數血虛也用四物湯加炒山梔升麻秦艽脈遲緩或浮大氣虛也用四君子湯加升麻炮薑尺脈洪數或無力者腎虛也用六味地黃丸若因房勞傷損精氣陰虛火動而小便下血諸血病者不問脈證百端但用前丸料煎服爲善（泄瀉）在五更或侵晨乃脾腎虛五更服四神丸日間服白朮散或不應或愈而復作急用八味丸補命門火以生脾土其瀉自止（大便不通）屬脾肺虧損大腸津液乾涸或血虛火鑠不可計其日期飲食數多必待腹滿脹自欲去而不能乃熱在直腸間也用豬膽汁潤之若妄服苦寒辛散之劑元氣愈傷或通而不止或成中痞之證若氣血虛者用八珍湯加麻子仁腸胃虛者用補中益氣湯加麻子仁腎液不能滋潤用六味地黃丸加麻子仁若厚味積壅小便淋祕者肝腎虛也用六味地黃丸以滋腎水用補中益氣湯以補脾胃者發熱晡熱用六君子湯加味逍遙散養陰血清風熱若兼筋骨痛先用透經解鬱湯秦艽地黃湯後用八珍散加牡丹皮柴胡主之若誤服風劑而傷陰血者用易老祛風丸若兩股或陰囊或兩足必用四生散地黃丸爲善若誤服草烏川烏之類或敷巴莖砒石等味肌肉腐潰反成癩證治者審之（面赤搔痒或眉毛脫落）屬肺經風熱用人參消風散樺皮散氣虛用補中益氣湯加天麻僵蠶血虛用加味道遙散加鈞藤鈎面發紫泡或成塊或眉毛脫落屬肝經風熱先用小柴胡湯加山梔丹皮鈞藤鈎後用加味道遙散凡證屬肝經血燥生風但宜滋腎水生肝血則火

自息風自定痒自止〔遍身疥瘡或癩疹搔痒〕此風熱傷血用羌活當歸散氣虛者佐以補中益氣湯加山梔釣藤鈎血虛者佐以加味逍遙散加鈎藤鈎若手足皴裂不問黯白或在手足腿腕搔起白皮此風熱而祕瀆用清胃散加芍藥蓋腎開竅於二陰精血不足則大便秘塞而不通矣須用六味地黃丸補中益氣湯以滋化源〔小便不利〕若不渴而不利者熱在下焦血分也用滋腎丸渴而不利者熱在上焦氣分也用清肺散腎經陰虛而不利者用六味地黃丸熱結膀胱而不利者用五淋散元氣虛而不能舒化者用補中益氣湯脾肺之氣燥而不能化生者用黃芩清肺飲若轉筋便閉氣喘不問男女孕婦急用八味丸緩則不救〔白濁〕足三陰經主之屬厚味濕熱所致者用加味清胃散肝腎虛熱者用六味地黃丸爲主佐以逍遙散脾腎虛熱者用六味丸佐以六君子湯肝脾鬱滯者六味丸佐以歸脾湯脾肺氣虛者六味丸佐以補中益氣湯濕熱下注者益氣湯佐以六味丸

類證治法

兩脇如癬搔痒久則膿水淋漓或搔起白皮者名腎臟風也用四生散以祛風邪用六味地

黃丸以補腎水若頭目不清內熱口乾體倦痰熱血燥秋間益甚故俗名厲來風宜用羌活白芷散加味逍遙散氣虛者佐以補中益氣湯加皂角刺鈎藤鈎血虛者佐以八物湯加柴胡牡丹皮或加味逍遙散兼服肢體或腿臂腕間患痞癩而遊走不定者赤曰赤遊風白曰白遊風爲血虛陰火內動外邪所搏



之證白用人參消風散赤用加味逍遙散氣血俱虛用八珍湯晡熱內熱用加味逍遙散六味地黃丸  
徧身或頭面起疙瘡或如霞片或破而膿水淋漓或痒痛寒熱乃肝火血虛也用加味逍遙散若口苦脇  
痛小便淋瀝肝火血熱也用柴胡清肝散若婦女夜間譫語發熱入血室也用小柴胡湯加山梔生地  
黃血虛者四物合小柴胡湯病退却用逍遙散以健脾胃生陰血此證多有因怒氣而發者治當審之  
婦人肢體癢疹疙瘡搔破成瘡膿水淋漓熱渴眩暈日晡益甚者用四物湯加柴胡山梔丹皮清肝火補  
肝血若煩熱體倦頭目不清用八珍散加丹皮山梔補脾氣生陰血若自汗盜汗月水不調肚腹作痛用  
八珍湯六味丸若食少體倦心忪盜汗經閉寒熱用八珍湯佐以加味逍遙散若病久元氣怯弱用十全  
大補湯佐以歸脾湯 女子十三四或十六七而天癸未至或婦人月經不調發赤癩痒痛此屬肝火血  
熱用小柴胡湯加山梔生地黃牡丹皮防風 生蟲者乃相火制金不能平木而化耳非風邪所生也但  
滋腎水生肝血或佐以灸承漿之類說見本證 數砒霜患處作痛或腐潰用濕泥頻塗換之若毒入腹  
胸膈苦楚或作吐瀉飲冷米醋一二杯卽止多亦不妨生棗豉末芝蔴油俱可 數貼雄黃藥悶亂或吐  
瀉用防己煎湯解之 服辛熱藥而眉髮脫落者乃肝經血傷而火動非風邪也用四物湯六味以滋肝  
血生腎水 服川烏草烏等藥悶亂流涎或昏憤嘔吐或出血吐血用大豈遠志防風甘草任用一味煎